

UGOVOR O PRUŽANJU USLUGA

Ugovorne strane:

JU ZAVOD ZA HITNU MEDICINSKU POMOĆ KANTONA SARAJEVO, ulica Kolodvorska 14., koga zastupa direktor prim.dr. Sena Softić-Taljanović (u daljem tekstu Davalac usluga) i

MINISTARSTVO UNUTRAŠNJIH POSLOVA KANTON SARAJEVO - UPRAVA POLICIJE, ulica La Benevolencije broj 16., Sarajevo, koga zastupa načelnik Sektora uniformisane policije, glavni inspektor Mevludin Halilović, koji obavlja dužnost policijskog komesara, po rješenju Vlade Kantona Sarajevo, broj 02-05-33200/16 od 18.11.2016.godine (u daljem tekstu Naručilac usluga).

Član 1.

Predmet ovog Ugovora je pružanje usluga medicinskog obezbjeđenja izvođenja taktičko-situacionog gađanja iz vatrenog oružja, za policijske službenike Uprave policije.

Član 2.

Pružanje usluga medicinskog obezbjeđenja se vrši po provedenom postupku dodjele ugovora putem direktnog sporazuma, na osnovu Odluke, broj: 02/PK-1-178/17 od 10.05.2017.godine.

Član 3.

Davalac usluga se obavezuje da će po zahtjevu Korisnika usluga vršiti medicinsko obezbjeđenje izvođenja taktičko-situacionog gađanja iz vatrenog oružja, za policijske službenike Uprave policije.

Član 4.

Davalac usluga se obavezuje da će usluge vršiti po zahtjevu Korisnika usluga u traženo vrijeme i na traženom lokalitetu.

Član 5.

Usluge medicinskog obezbjeđenja gađanja će se vršiti po cijeni iz ponude, koja iznosi 150,00 KM po jednom satu pruženih usluga. Ponuda je sastavni dio Ugovora.

Član 6.

Davalac usluga će ispostaviti račun za pružene usluge Korisniku usluga, sa specifikacijom izvršenih usluga.

Član 7.

Korisnik usluga se obavezuje da će platiti račune za izvršene usluge iz člana 1. i člana 3. Ugovora u roku od 14 dana od dana prijema računa.

Član 8.

Davalac usluga će raskinuti Ugovor u slučaju da Korisnik usluga ne plati dva računa po istom osnovu uzastopno, o čemu će obavijestiti Korisnika usluga u roku od 10 dana od dana isteka roka za plaćanje računa.

Član 9.

Ugovorne strane su saglasne da se ovaj Ugovor zaključi na određeno vrijeme i da traje do 31.12.2017. godine.

Član 10.

Na odredbe ovog Ugovora, kao i sve što nije regulisano ovim Ugovorom primjenjivat će se odredbe Zakona o obligacionim odnosima.


Član 11.

U slučaju spora po ovom Ugovoru, ugovorne strane će riješiti dogovorom, a u protivnom nadležan je sud u Sarajevu.

Član 12.

Ovaj ugovor je sačinjen u četiri (4) primjerka, od kojih svaka ugovorna strana zadržava po dva (2) primjerka.

DAVALAC USLUGA
JU ZAVOD ZA HITNU
MEDICINSKU POMOĆ


Direktor prim. dr. Sena Softić-Taljanović

Broj: 19/13117
Datum: 15-05-2017

KORISNIK USLUGA
MUP KS - UPRAVA POLICIJE

za POLICIJSKOG KOMESARA
Načelnik Sektora uniformisane policije
Glavni inspektor


Mevludin Halilović

Broj: 02/PK-1-179/17
Datum: 11-05-2017